

## Sante Lussie

Cidine, cidine,  
su stradis di lune  
la sante a cjamine  
tirant il mussut.

Tal zei mil zuiatui  
pai fruts che le spietin  
platâts sot la coltre  
tal cjalt dal jetut.

Un tren par il Nini,  
par Cec un balon,  
la sclope pal piçul  
ch'al puedi fâ il ton.

Pe frute, chê buine,  
la biele pipine,  
pe triste, cinise  
e un toc di cjarvon.

[Scoziero, L. cence titul. Matalon, G".N. (par cure di) 1987. *Il tesaur de leteradure pai fruts*. Frioul, 66. Trascrit daûr de grafie uficiâl cence tocjâ i aspiets no grafics.]

Sante Luzie benedete  
la canaie usgnot ti spiete:  
cjape sù il façoleton  
e la crassigne e il baston.

[Carletti, E. cence titul. Matalon, G".N. (par cure di) 1987. *Il tesaur de leteradure pai fruts*. Frioul, 66. Trascrit daûr de grafie uficiâl cence tocjâ i aspiets no grafics.]